

սին, պատմական այս ծանր ժամանակահատվածում, հույսի և քաջալերանքի աղբյուր էր: Եվրոպական Եկեղեցիների Խորհուրդը դեռ երկար կհիշի Նորին Սրբության Էկումենիկ հանձնառությունը և հոգևոր ներդրումը խաղաղության, արդարության և հաշտության գործում:

Կաթողիկոսի աջակցությունը հրադադարի, ադրբեջանական կոնֆլիկտի խաղաղ կարգավորման և գերիների փոխանակման գործում, Հայաստանին խաղաղություն և սփոփանք բերող նրա ջանքերը այն բազմաթիվ օրինակներից են, որոնց վկաներն ենք մենք՝ նրա այսօրվա գործակիցներս:

Եվրոպական Եկեղեցիների Խորհուրդը իր ցավակցությունն է հայտնում հայ ժողովրդին իր հոգևոր մեծ առաջնորդի կորստյան համար և աղոթում Տիրոջը, որ սեր և գթություն առաքի Զեզ այս ծանր պահին:

Եվրոպական Եկեղեցիների Խորհրդի Կենտրոնական Կոմիտեի և նրա նախագահ քահանա Զոն Առնոլդի անունից հայտնում ենք Զեզ մեր վշտակցությունը և միջնորդական աղոթքները:

ԺԱՆ ՖԻՇԵՐ

ԵՎՐՈՊԱԿԱՆ ԵԿԵՂԵՑԻՆԵՐԻ ԽՈՐՀՐԴԻ
ԳԼԽԱՎՈՐ ՔԱՐՏՈՒՂԱՐ

Ժնև, 19 օգոստոս 1994 թ.

ՀԱՅ ԿԱԹՈՂԻԿԵ ՀԱՄԱՅՆՔԻ ԵՎ ՄԽԻԹԱՐՅԱՆ ՄԻԱԲԱՆՈՒԹՅԱՆ ԲԱՐՁՐԱՍՏԻՃԱՆ ԱՆՁՆԱՎՈՐՈՒԹՅՈՒՆՆԵՐԻՑ

ՎՍԵՄԱՇՈՒՔ ԼԵՎՈՆ ՏԵՐ-ՊԵՏՐՈՍՅԱՆ,
ՆԱԽԱԳԱՀ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Երևան

Վսեմաշուք տիար Նախագահ,

Ընդունեցեք իմ, Հայ Կաթողիկե Պատրիարքության և իր թեմերուն ցավակցության խոր արտահայտությունները Վազգեն Առաջին Վեհափառ Հայրապետին վախճանման առթիվ: Անձերը կանցնին, հաստատությունները կմնան:

Թող Աստված հավիտյան պահե Հայոց Եկեղեցին և անոր մեծագույն թիկունքը հանդիսացող Հայոց նորանկախ Հանրապետությունը:

Այս ցավագին պարագային, կնորոգենք մեր Հայ Կաթողիկե նվիրապետության անասկարկ կառչածությունը հայրենի պետության և անոր արժանավոր պետին: Աստված անվտանգ պահե զինք ու իր կառավարած երկիրը:

ՀՈՎՀԱՆՆԵՍ ՊԵՏՐՈՍ ԺԸ
ԿԱԹՈՂԻԿՈՍ-ՊԱՏՐԻԱՐԺ

* * *

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ

Մխիթարյան միաբանության աբբահայրը և բոլոր միաբանները խոր հուզումով լուրը առին Նորին Ա. Օծություն Տ. Տ. Վազգեն Ա Ամենայն Հայոց Կաթողիկոսի մահվան գույժին և մասնակից են հասարակաց խոր կսկիծին:

Թող բարին Աստված զինքը սիրով ընդունի իր լուսեղեն և հավիտենական հարկին մեջ, ինքը, որ քառասուն երկար տարիներ իր ժպիտով և հայրապետական մեծ հոգիով տարավ ցավը ամբողջ ազգին՝ զորավիգ կանգնելով անոր տառապանքի օրերուն:

Մեր ցավակցական զգացումներուն կմիացնենք ջերմ աղոթքներ, որ բարեգութն Աստված իր Ա. Հոգիով մխիթարե համայն հայությունը և անասան պահե Հայաստանյայց Առաքելական Եկեղեցվո Մայր Աթոռը:

Հ. ԳԵՈՐԳ ՎՐԴ. ՊԱԼՅԱՆ

ԸՆԴՀԱՆՈՒՐ ԱԲԲԱՀԱՅՐ

ՄԽԻԹԱՐՅԱՆ ՄԻԱԲԱՆՈՒԹՅԱՆ

Ա. Ղազար, 25 օգոստոս 1994 թ.

* * *

Ա. ԷԶՄԻԱԾՆԻ ՍԳԱԿԻՐ ՄԻԱԲԱՆՈՒԹՅԱՆ

Ամենայն Հայոց Կաթողիկոսի մահվան գույժը համազգային սուգի մատնեց ամբողջ հայրենիքն ու սփյուռքը:

Վիեննայի Մխիթարյան միաբանությանս իբրև Ընդհանուր Աբբահայր՝ իմ և բոլոր միաբանակից Հայրերու անունով, մեր խոր ու անկեղծ ցավակցությունը կհայտնենք Ա. Էջմիածնի միաբանության, հայրենի կառավարության ու ժողովուրդին և համայն մեր ազգին, այս դառն, անվերադարձ կորուստին համար:

Կաղոթենք, որ Աստված լույսերու մեջ հանգչեցնե վաստակավոր մեծ Հայրապետի հոգին, Ա. Էջմիածնի միաբաններուն և մեր բոլորին սրտերը լեցնե իր երկնային մխիթարությամբ և ընտրե արժանավոր հաջորդը՝ իբր «այր ըստ սրտին Աստուծոյ» Ա. Էջմիածնի Մայր Աթոռին:

Հ. ՊՈՂՈՍ ՎՐԴ. ԳՈՃԱՆՅԱՆ

ԸՆԴՀԱՆՈՒՐ ԱԲԲԱՀԱՅՐ

ՎԻԵՆՆԱՅԻ ՄԽԻԹԱՐՅԱՆ ՄԻԱԲԱՆՈՒԹՅԱՆ ԵՎ
ՄԻԱԲԱՆԱԿԻՑ ՀԱՅՐԵՐ


Վիեննա, 19 օգոստոս 1994 թ.

Երանականի մզկիթի քանդակ





Վեհափառի դին՝ զետեղված Մայր տաճարում



Ագո բափօրը հանդիսաբալ դուրս է գալիս Առաջնորդանիստ Սուրբ Սարգիս Եկեղեցուց





Ազո թափորը մուտք է գործում Մայր Աթոռ Սուրբ Էջմիածին



Հանգստյան կարգ